



832369

大滌山房詩錄卷二

西湖

廿載西湖夢今來湖上亭  
酒如人面白山比佛頭青花  
柳開吟篋雲煙落畫屏  
前因香火在歷歷記曾經

冷泉亭

入寺嫌僧俗登山笑客忙  
冷泉亭下坐五內共清涼

夜坐

入骨酸寒不合時一行作吏尙書癡  
未諳姑性新孃姪  
生怕兒嗁阿母慈  
上下一身專責備去畱兩念苦分岐

大滌山房詩錄卷一

開編細讀循良傳  
永夜挑鐙有所思

入試院

簇簇金花插帽簷  
鵲行一路肅觀瞻  
滿城士女街頭攤

漫許郎官是內簾

杭城士女目年  
少者為內簾

入洞仍為下洞僊  
光輝分不到奎躔

時余需次例  
不入內簾

一鞭

驢背槐花影此景回頭十九年

試院簡同事諸君

鎖院秋陰淨俗塵  
桂花香裏月華新  
恰逢把酒譚詩客

同作尋行數墨人

無暇校書同掃葉  
但教到眼已生花  
兩行朱墨參差處



英縣張吉安

迪民

大滌山房



筆下雌黃我自誇

對讀例  
用黃筆

### 唼縣道中

活活谿流灘復灘  
好山轉側盡情看  
篙師未歷風波險  
只怨輕裝上水難

不是看山入剡谿  
竹兜又過板橋西  
行人正苦瀟瀟雨  
唳鳥還呼滑滑泥

### 富春舟次寄懷嚴也農

山色青蒼水淥洄  
畫眉聲裏片帆開  
煙波有約閒鷗夢  
又過君家舊釣臺

### 嚴先生祠

太滌山房詩卷二

二

韞結王生廷尉重  
履呈黃石帝師推  
千秋微幸劉文叔  
曾與先生捧足來

太史漫占星象動  
狂奴只作故人看  
江流日見奔騰下  
萬古清風一釣竿

### 桐廬

舊傳瀟灑桐廬郡  
我向桐山數往還  
如此宦遊真不惡  
推篷日看桐君山

### 濟南李文仲茂才篆小印遠惠詩以爲酬

小篆精通叔重文  
秦碑漢瓦漫紛紛  
濟南名士多於鮑  
何日軒頭一拜君

江山船竹枝詞

七里龍頭九姓船，船孃二八嫁長年。  
朝莫莫風波夢，如爾生涯亦可憐。

雲鬢蓬鬆夢醒遲，半江斜日靚妝時。  
山如螺黛波如鏡，恰聽鶯聲叫畫眉。

七郎祠下賽神忙，肉嫩花豬土酒香。  
私祝江神無別語，渡江只渡有情郎。

郎自銷魂妾自憐，浮萍飛絮恁因緣。  
回頭記取江心月，一度相思一度圓。

遲王椒畦不至

大滌山房詩錄卷一

三

六橋三竺盡，衰衷寂寞西湖水。  
一杯滿眼雲山看不足，早磬生絹待君來。

之任淳安謁海忠介公祠

童穉震公名天人，一息爭還淳欣有託。  
淳安本名還淳學海竟何成，署中有學海堂祠宇三閒峙。  
谿流萬古清，後來司土者誰不愧先生。

雨後

一雨軒窗淨微涼，枕簟侵竹光。  
延野色，蟲語逗秋心。渺渺江湖夢，依依松桂林。  
佳人天末遠，悵望碧雲深。

象山有序

邑之爲境山海環峙若東南之韭山形勢崑崙聳聳列海中勝國時日本夷船視爲嚮道大佛頭山在邑之正南其地名南田海中十洲此爲第一內有斗底蝦舉島頭等舉竝南路之險阻猶韭山爲石浦之要隘也其閒築黠竝待芟除佛頭山側有所謂八排門港者與韭山相對內多良田設匪徒潛匿剿捕爲難西南則三門港在焉港內爲石浦居民喉舌盜艇從溫台突犯必取道於是余甫莅是邦徧察形勢雖魚鹽饒給安可稍弛防禦歟

地割甬東左嚴甌一邑偏海聲終日吼山勢抱城圓鹽

煮沙灘竈漁編石浦船驚心鮫鱔橫茲事等籌邊

范氏天一閣

司馬家聲啓後賢藏書萬卷月湖邊豐樓袁史今何在

四姓爲鄞城大族此閣巍然三百年

馥郁芸香驅祿望瓊瓏英石辟潮蒸自天題處神靈

護五夜還占寶氣騰

太白天童異境開有書能讀便僊才自慙博物張華志也到琅嬛洞口來

石墨鐫華篆隸珍編排漢魏與周秦俗書姿媚唐臨晉楮本蘭亭妙入神

感懷

旅食京華廿載春一官落拓到風塵  
隨身竿木逢場戲可笑有觀太認真

中年才賦新孀嫁半載旋歌去婦詞  
廚下羹湯機上素辛勤未必小姑知

同何笏庭主簿過萬松菴訪小顛上人分得僧字

清遊出郭避炎蒸卻喜西湖尚有僧  
竹徑一林涼客夢

詩壇七葉續禪鐙七代詩僧精舍菴中題額形骸放浪真無礙  
議論

生風得未曾今日阿師開口笑儘容  
吾輩興飛騰

堆盤碧藕與紅菱茶渴初消酒興增  
飲以百杯除萬想

大滌山房詩錄卷一

五

拈來一字悟三乘雨餘暫避炎官繖  
風定難搖古佛鐙今我心同退院何  
郎丰貌亦胡僧

句畱聊亦記吾曾石磴盤盤最上層  
空際置身仍實地暗中開眼借明鐙  
枯禪嚼蠟真無味名士如蠅亦可憎  
他日西湖忘不得六橋花柳一詩僧

招顛公小飲再用僧字韻

淵明齋酒吾猶嬾佛印燒豬例可仍  
未必有官皆俗物果能食肉亦高僧  
蝸緣作篆空黏壁蛾爲趨炎遂撲鐙  
此理年來看爛熟何妨一醉便昏騰

和顛公壁閒韻

風災不到四禪天那有泥沾出水蓮舍得學僊兼學佛  
任他呼黠又呼顛閑中般若開精舍空際無花散法筵  
熱毒滿城消不去來朝合上總宜船

題顛公詩草

佛卽是心梅子熟吾無隱爾木犀香憑師拈出當前景

竹露松風一味涼

卷中句

隨手拈來理解融平生不作應聲蟲笑他豎拂登壇者  
夢語喃喃白晝中

一聽鐘聲便惘然水中撈月幾多年而今才識如來面  
影在三潭月在天

大滌山房蠹卷一

六

贈陳花南司馬

蘭翁

謂王  
菴少寇

門下老門生意氣如雲座上驚二十年來

真一夢春明回首不勝情

折箠隊裏忽抽身豈爲秋風江上莠童僕垂頭親戚笑  
有官不作作詩人

軒窗拓處卽湖山鏡裏空明列翠鬟身在畫中還作畫  
不將粉本失荆關

安排竹几與繩牀碧篆閒消一炷香盡日捲簾濃翠撲  
出山轉笑白雲忙

陰陰花氣潤苔痕鳥弄歌聲靜不喧俗物何來敗人意

先生覓句正關門

百感茫茫酒一杯眼中誰是出羣材君今苦海回頭早  
我亦觀河皺面來

到家

舉家食粥魯公拙豐歲嗟飢韓子窮我本酸寒貧到骨  
不因官罷始囊空

除夕舟次毘陵周明府石雲世丈招集官齋卽席

賦呈

吳儂爭道長官清到處歡騰竹馬迎我亦部民先被澤  
穎翁門下老門生

太滌山房詩卷一

七

柏子香中列綺筵千邨臘鼓十分圓自從謙集師門後  
今夜鎗花又鬪妍

公自春來原有腳我如雲出本無心慙慙未了黃梁夢  
又向邯鄲枕上尋

題石雲丈花谿飲馬圖

漫說投錢飲調良寓意深碧波清到底照見使君心  
顧視本清高開張天骨超成都花似錦駟馬更題橋

題方學山明府相馬圖

君材自是不羈者吾力其如芻駕乎飲馬橋頭邀一顧  
慙慙無暇問前途

阻風口占

一江煙雨夢迷離  
悶掩篷窗傍柳隄  
行客也知行不得  
鷓鴣何事盡情啼

訪羅江東故里

甲乙詩編光燄長  
重尋故里劇悲涼  
腳閒夾筆誰能敵  
掌上輕身我亦傷  
山勢到今屯虎豹  
夕陽終古散牛羊  
最憐金柵無名者  
慷慨尊前勸伐梁

晚徵諫議亦尋常  
劫運河山入戰場  
天許霸才雄兩浙  
公拈詩筆殿三唐  
漫思黃祖渾無賴  
不比紅兒也放狂  
聞說鼉江精氣巨  
風雲合附海龍王

大滌山房詩錄卷一

八

識記流傳半屬訛  
招來軼事入悲歌  
心傾相室垂簾女  
氣短京師賣飯婆  
毓秀江山分一杜  
早時場屋說三羅  
江南使者旨龔甚  
未造還喧進士科

鄴王呼叔有前緣  
武肅憐才也自賢  
一集詩偷酬百萬  
滿堂客醉冠三千  
聊償落魄魄長安  
日遠勝孤魂及第年  
臺訪讀書頻灑淚  
合澆杯酒定山前

將去新城畱別諸士庶用坡公新城道中韻

谿山雪後畫中行  
活活惟聞放溜聲  
下瀨最宜乘竹筏  
繞邨無用擊銅鉦  
雲開牛嶺千盤翠  
水注鼉江一派清  
回首丁宜諸父老  
早驅黃犢課春耕

攜榼提壺送我行，慙無實政博虛聲。冷然自解風占鐻，  
旨者何當日喻鉦。坡公日喻作銅槩，趙次公注蘇詩作銅鉦。安得宦情如水澹，  
卻憐官閣映冰清。署有映水軒。黃精白朮連山足，儻許僊人借鹿耕。

之任永康諸生俱以詩文相質喜而有作

風俗相親氣誼敦，城居寥落卽山邨。愛看裹飯朝盈市，  
忍令催租夜打門。安得官貧胥吏餓，最憐縣古士人尊。  
吾今未脫酸寒氣，公暇詩文細與論。

謁陳文毅公祠

手集龍川恨未平，今來祠下謁先生。目空餘子譚王霸，

大滌山房詩錄卷一

九

胷有千秋富甲兵，奇禍屢遭騰物議。巍科至竟重公名，  
錢江短盡英雄氣。淚灑西風建業城。

伏闕陳書漢賈生，晚途知遇竟何成。此身已中偏枯病，  
大廈原非一木撐。痛哭萬言真怪物，麤豪兩字目奇英。  
我經龍窟山頭路，髣髴當時歎息聲。

中秋志感集杜

明月生長好，宜筵酒。瓊空團鬪思，弟妹祈。請走兒童晨，  
夕高堂。念招尋，令節同。應論十年事，涕淚落秋風。

題梁學博情田同年紅袖添香伴讀書圖

故人大半雲霄上，滅竈梁鴻熱不因。紅袖兩行書萬卷，

先生猶道廣文貧

椽燭高燒半臂持我憐小宋有情癡披圖卻被山妻惱  
記否篝燈伴讀時

春草和情田學博韻

莫道春寒春信遲澹煙如幕雨如絲江郎南浦銷魂處  
謝客西堂入夢時燕子有情穿巷陌落花無語傷階墀  
青旗紅板王孫路綠徧天涯知未知

不分遠近與高低織出春愁似柳絲二月鶯花新綠岸  
六朝金粉夕陽時平橋畫畫青油幕小院輕寒碧玉墀  
客裏又逢挑菜節年年日斷阿誰知

大滌山房詩錄卷一

十

嫩似金鉤曲似眉平於翠氈細於絲思君流水迷前渡  
亂我愁心是此時黏得苔痕連石磴分來蕉影上軒墀  
那能盡日垂書幌春到人閒總不知

春到人閒萬綠滋可能綠到鏡中絲劇憐鬢影衣香地  
小立斜陽細雨時蚊虻一雙熏繡陌闌干十二護瑤墀  
閒愁鎖入閒庭院除卻東風未許知

屐齒裙裾路已岐半黏落蕊半遊絲尋來蝶夢依依處  
聽到蛙聲閣閣時菜甲和煙鋤後圃花丁經雨埽前墀  
青青直接垂楊岸又被樓頭少婦知

極目長隄日已西桃花叱撥鞞青絲君之出矣縣縣道

我所思兮冉冉時綠意十分平  
薜砌紅心一簇傷蘭堦  
芳蘅欲采湘江晚卻寄文無伊自知

昔我春遊賦別離  
淒迷帽影與鞭絲  
愁看和雨和煙處  
正是飛花飛絮時  
翠黛誰家迎玉勒  
青袍幾處染銅墀  
東風吹斷瀛洲夢  
慘綠當年感故知

今我傷春杜牧之  
落花風裏鬢如絲  
靡蕪遠道思千里  
楊柳離亭又一時  
空藉亂紅鋪錦繡  
好抽寸碧傷庭堦  
宦遊到處萍蓬迹  
漫賦瑤華寄所知

情田學博見惠蓬蒿菜力疾走筆成二十韻

一病忽經旬  
偃蹇臥牀褥  
飢腸終日鳴  
似轉轆轤軸  
朝聞飯甕香  
下箸仍瑟縮  
梁二吾素心  
日日來不速  
苦口勸加餐  
勿藥喜可卜  
蓬蒿春滿畦  
采采綠盈剝  
芳香敵蔓青  
辛辣異萊菔  
分君苜蓿盤  
充我藜藿腹  
頓頓佐齏鹽  
稍稍歔糜粥  
豁然胃脾開  
痰飲雷邪逐  
我本蓬蒿人  
骨相非食肉  
六年走仕途  
已中膏粱毒  
世味一熏心  
熊魚兩所欲  
果能敲菜根  
何者爲不足  
坡公服胡麻  
天隨賦杞菊  
全生憂患餘  
自昔非余獨  
況今民苦饑  
食不飽  
半菽吾意猶  
蓬心時艱正  
蒿目何當守  
故園仲蔚追  
芳躅走筆謝先生  
先生醫我俗

吳芳汀學博思親課子圖

我夢延陵仲蒸然古性情冷官人寂寞熟食涕縱橫遺  
澤常畱研藏書記鑿楹家園看畫本鄉夢繞江城古渡  
西興問浮雲北榦生松楸風瑟瑟蘭桂露英英誓墓詞  
何激傳經業自成碑從丙舍仿籍許西山呈某樹先人  
種吾菴老學名林泉真足樂簪笏本來輕我以官爲寄  
君猶祿代耕繫匏歸未得餐菑興還清堂奉金萱壽庭  
排玉樹榮母慈烏遂養子和鶴能鳴雙鳳才華盛三鱣  
吉兆迎先生應一笑佳氣接蓬瀛

芳汀學博以丹鑪贈別賦酬

丹鑪贈我轉河車我不燒丹只煮茶攜到杭州剛穀雨

大滌山房詩錄卷一

十一

試烹龍井雨前芽

脫來凡骨定何緣覓得丹砂吏亦僊我自年年看藥竈  
任他雞犬早升天

荔支

綠箬封題海舶將炎天冰雪客爭嘗色香味已全然變  
猶愛佳名十八孃

永康道中

到來恰喜石梁成

時楊公橋落成

舊地重經快此行竹馬似迎

新令尹杖鳩多半老諸生尊前迺落千行淚道上訛傳  
萬口名吹得好聲過枯嶺者番何以慰輿情

之任麗水有作

梧州地瘠路盤紆此地眞須著我無妄意僊緣猶有在  
終憐民氣未全蘇才人舊感秦淮海太守今逢范石湖  
報道連朝甘雨足稻花香裏澤覃敷

時方苦旱王楙山郡伯設壇虔禱

莅事三日有感

不圖風景竟如斯城市蕭條官廨敬政拙催科惟撫字  
身關痛癢柰瘡痍入廚才是孃新嫁無米終須婦巧炊  
一片枯蒼山色好忍拋心力苦吟詩

謁秦淮海祠

僉判杭州到梧州官因詩謫也風流我來七百餘年後

大滌山房詩卷一

十三

山抹微雲正晚秋

鶯花亭子幾春風一臥圓菴百慮空才子回頭都是佛  
而今彌勒一龕同

秦小峴廉訪鑄公像置崇福寺壁

登萬象山一覽亭和李石農觀察韻

一簇蓮花奉上頭梧州勝槩望中收禪心枯寂超三界  
僊意虛無到十洲霜醉丹楓濃入晝煙浮碧瓦澹生秋  
倚闌莫作牢愁賦淮海當年此宦遊

題葉松崖秀才課子圖

我來恰喜雨隨車民氣恬和早放衙遙指行春門外路  
讀書聲裏到君家

老屋同居兄弟樂，舊書能讀子孫賢。舊畬卽是傳經訓，絕勝連雲萬頃田。

我今從宦苦奔馳，空賦淵明責子詩。安得還山精舍築，一鐙寒雨下書帷。

石門洞觀瀑

萬古石門洞，何年斧劈開。千絲風捲出，匹練雪飛來。不負登山屐，長懷命世才。題名凡幾輩，雨點濺莓苔。

石牛寺

小憩石牛道，離城廿里賒。柏林霜染葉，蕎麥雪鋪花。占渡餘寒水，沿邨踏淺沙。相逢谷口鄭鄭明經，僧院一杯茶。

碧湖

風景碧湖好，我來剛夕陽。亂山橫紫翠，老樹半丹黃。上市魚鰕賤，堆盤橘柚香。僧房畱一榻，清夢滿詩囊。

廣福寺

何處殘碑讀，荒苔漠漠青。田拋僧結訟，寺古佛無靈。飢鼠穿牆壁，飛蟲滿院庭。幾時開講座，山鬼亦聽經。

葉芸齋茂才邀同薛蓮塘廣文王德圃呂春舟兩  
明經小飲有作

良夜五君詠清風，一葉畱細傾。黃菊酒同醉，碧湖秋近局。忘形迹閒吟，足倡酬天寒。山路淨更訂，白雲遊。

度大山嶺晚宿葉茂才家

度嶺竹兜便盤蟻磨同雨飛山翠裏秋老葉聲中從  
宦途何仄尋詩境不窮夜鐙茅屋底多愧祝雞翁  
草草杯盤具居然風俗同神遊三古上緣在萬山中差  
免僕童餓到來胥隸窮藏身巖穴好足穀便稱翁

宿碧湖寺不寐

漫以催科易因之鞭扑隨奸胥黠鼠伏餓隸凍蠅癡政  
拙非緣嬾官窮正坐詩那堪敗人興又是菊花時  
蟲語細如語繩牀伴寂寥秋吟山骨瘦春夢酒痕消簫  
鼓叢祠鬧魚鹽近市鬻誰能知我意永夜一鐙挑

青谿女

家住青谿東復東生憎江口鯉魚風秋來顏色妾顛顛  
門外一株烏相紅

碧湖寺卽事

一片西風秔稻香棉花豆莢也登場更材自是催科拙  
帝力如何耕鑿忘半爲室家爭鼠雀不堪胥吏餓豺  
狼細思官苦民還苦剜肉心頭始補瘡  
謫居淮海住圓菴我亦生來冷澹堪吏散靜如僧還院  
官閒夢與佛同龕文書遮眼何曾讀詩句關心好破參  
卻笑癡奴不解事三杯濁酒困眠酣

題葉豹如秀才蒔菊圖

叢菊稟金精經秋益堅茂豈無桃李姿不與春華鬪  
子隱麗陽本是神僊冑墮地重陽前詩骨黃花瘦寫圖  
寄性情絢秋羅錦繡花逢地主賢我欲攜尊就舉酒酌  
花神年年爲君壽

豹如秀才贈菊百本讌賞有作

菜把記曾叨地主菊英今又乞山家分來彭澤籬邊景  
散作河陽縣裏花詩思臨風誇織錦酒杯而月泛流霞  
蟹天苦憶江鄉好細翦秋鐙鬢影斜

菊影和王穎山郡伯韻

大滌山房詩錄卷一

六

和陶形贈影更寫菊參差四壁蛩吟候重簾月上時風  
斜雙鬢好秋靜一鐙宜幅幅疏籬補模糊認幾枝  
菊本花中隱影看一一差蘆簾紙閣裏鐙暈酒闌時瑣  
碎竹相亞橫斜梅亦宜秋屏先落臺潑墨兩三枝  
沈博堂參軍張荔園廣文遺香藥木瓜賦謝

甌柑衢橘漫爭先絕大香藥比瓊圓我輩交情同耐冷  
荒衙風味逼殘年  
木瓜投我詠詩篇畱取甜香傍枕邊若說轉筋方法好  
先生強項故依然

題家書後

昔日之難今又難  
誤人西笑向長安  
無多骨肉分三處  
幾許精神累一官  
充腹漫思名士餠  
隨身只贖戲兒竿  
殷勤說與諸親友  
慎勿輕彈貢禹冠

和王愚谿明經寒夜感懷韻

壯志我何有  
愁眉客亦攢  
雁鴻秋斷信  
鸚鵡夜驚寒  
公牘挑燈了  
家書下筆難  
帶圍日漸減  
只是報平安

和穎山郡伯秋草韻

秋柳吟成意也消  
平蕪目斷又遙遙  
鶯花好夢迷三月  
金粉斜陽送六朝  
痕上苔須浴  
麝塵涼生蓬鬢亦飄蕭  
天涯指點王孫路  
楓葉紅酣酒旆招

三巖洞

大滌山房詩錄卷一

七七

萬象塵襟豁  
三巖幽趣探  
泉聲僧聽雨  
洞腹佛爲龕  
窈窕千峰抱  
玲瓏一寺含  
不須搜石髓  
茗飲亦清酣

南明山

出郭秋生紅葉裏  
尋僧身到翠微閒  
飛梁蜿蜒虹垂澗  
狠石猙獰虎踞山  
燒藥竈空餘篆迹  
上有葛僊煉丹處  
靈崇二字是遺迹  
獻花巖古剔苔斑  
洞天不敢題名字  
爲恐僊人笑我頑

山行雜詠

微雨初晴霽色開  
碧蘿紅樹白雲堆  
一肩行李秋山麓  
走入荆關畫裏來

白雲飛破碧參差山不知名景絕奇寄語青谿狂道士  
好畱隻鶴世人騎  
幾家山店不成邨呼酒同傾老瓦盆寒菜一畦薑一稜  
年年亦自長兒孫  
矮屋臨流枳作籬撈鰕放鴨夕陽時谿山大好誰能畫  
著我紅衣作釣師

除夕

潦草殘年度補苴半載餘送寒窮不送除夕病先除爆  
竹山城早梅花官閣舒團圓千里夢春帖寫家書

壬戌元旦迎春

彩仗列青旗迎春故事宜馬前看雜沓午後且追隨漫  
自同兒戲誰當買汝癡民和豐稔卜吉兆老農知

和荔園廣文元旦口占韻

五雲瞻拜攤朝曦元旦迎春百事宜自蒸心香諸佛供  
免教手版下官持松枝柏子添茶鼎菜甲芹芽佐酒卮  
畱得畫叉錢壓歲敢言貧薄竟無貲

山城氣象一番增是處春臺許共登婪尾尙餘除夕酒  
遨頭試看上元鐙聰明富貴誰如願撫字催科兩未能  
差喜吏民安我拙縣官不是打包僧

景寧山行

盤盤苔磴上款款竹兜行木聳千尋翠泉飛萬道聲山  
程迷向背天氣雜陰晴險阻經來慣人心更不平

雞犬山邨靜幾家起爨煙伐薪多作炭壘石便成田勝  
景誇雅嶺神祠奉馬僊護國馬夫人見李陽冰記跳魚同竹躡上客

始登筵

題徐秋潭總戎詩橐

三寸銀豪百石弓紛紛誰是出羣雄書生殺賊應憐我  
名將能詩又遇公豹尾車前承帝澤鳳毛池上紹家  
風東西南嶽登臨徧漫說溫台落手中

椒山西竺寺贈滄月和尙

大滌山房詩錄卷二

五

椒山巖岫好西竺契眞傳佛地香爲界寺中古桂一本花時香聞十里

僧廚竹引泉烹茶成小憩煨芋證前緣飛錫來何遠潮

州一大顛僧潮州人

滄月和尙以西湖僧寶林墨梅索題

一樹梅花一寶林研池冰雪證禪心兩年不放西湖權  
夢裏寒香畫裏尋

偶來散步踏椒山歎茗僧房半日閒我亦梅花老衲子  
幾時參破此機關

水僊

冬心寥寂瑣窗前一瓊寒泉供水僊衣翦翠雲香鏤雪

世閒羅綺總腥羶

拾來翠羽綴明璫  
洛浦微波賦魏王  
多恐吟詩被花惱  
花前重仿十三行

素心蘭和穎山郡伯韻

綺石黃磁斗花疏  
葉不繁幽宜琴寫韻  
澹共菊忘言入室同  
其臭循咳潔爾餐  
素心人宛在清夢落湘沅

禱雨奉齋遂爾不知肉味  
擬奉菩薩戒永斷腥血  
張荔園學博用坡公岐亭戒殺詩韻相規因疊韻

自解得詩三首

夏雨病吾農荷插汗流  
汁早禾方吐花田無寸土  
溼民

大滌山房詩錄卷一

三

饑卽我飢一飽豈易得  
鳴鉦繞鄉城慘切中腸急  
不聞喚雨鳩那見蹕泥鴨  
默禱夜焚香仰視天垂冪  
天心豈不仁降災禍蒼赤  
西南苦用兵戰骨千山白  
封侯食肉人岌岌高冠幘  
椎牛軍士歡立鵠邨農泣  
我今官有司撫字亦多缺  
壘甕夢窮儒金盤謝豪客  
紛紛酒肉場一任青蠅集

少讀西方書嗜之如密汁  
衆生本一生佛言胎卵溼  
殺生以養生孰失而孰得  
魂飛湯火中性命須臾急  
柰何食雞豚魚炙及鵝鴨  
覺痛有生同肉眼自蒙囂  
堂前七箸鮮堂下刀砧赤  
君子遠庖廚佛養了然白  
飛躍任其

天天花墮吾幘作詩告同官聊代枯魚泣生幾自滿腔  
眞性無一缺吾爲有髮僧君作忘形容小摘園中蔬日  
日荒衙集

吾生賦命窮銜杯貪米汁頻年溷仕途肥甘釀脾溼過  
分卽爲災下咽究何得中秋苦病疴膏火相煎急官廚  
剖豬羊比鄰鬧鵝鴨偃臥破窗中殘燈耿羅幃岐亭戒  
殺詩讀之面發赤兩眼淨空花斗室生虛白嗟彼饕餮  
人未老雪盈幘垂死猶縱恣環榻妻孥泣我今片念慈  
奚補平生缺一身現宰官百年如過客賦詩涕淚零竊  
附坡公集

太滌山房錄卷一

三

麗邑諸生以蔬果豆豉見餉疊韻致謝

吾病發心脾解渴歎茗汁有如觸網魚吐沫焉能溼風  
味想家園路遠不可得欣逢地主賢有無通緩急桑雞  
與樹鵝味豈遜豬鴨園蔬摘滿筐山果映疏籬粟皺蜜  
脾黃榴開瑪瑙赤嗜好殊酸鹹昭然分黑白紛羅几案  
閒一笑墮吾幘更喜鹽豉香差免釜中泣佐我糞粥腸  
頓頓不能缺方法報山妻清饒異酒客惟願同志人鼎  
飯時相集

顧十九厚菴以子嘏性不除茹齋無益見和二章  
深中子病再疊前韻自箴前後得五首以符坡詩

之數

秉性寡所諧終年弄墨汁一朝世網嬰居下而惡溼一步一泥濫拔足豈易得煩惱日相纏排解性彌急子美賦縛雞天隨養鬪鴨得失無了時兩眼自蒙矐各一我見存對語面卽赤吾友虎頭癡牛車乘大白說法水瀉瓶譚禪花墮憤語語涼肺肝如何不感泣厥疾庶有瘳良藥幸無缺岐路得指迷心如乍歸客焚香一室中惟虛道乃集

中秋口占

說到中秋涕欲零幾番臥病破窗櫺天邊月是盤中餅

大滌山房詩錄卷二

三

坐上人如水際萍勞我宦遊詩筆健思親夢遠酒杯停蘇杭兩處張鐙簾幕氤氳早桂馨

麗陽八景見於府志今爲訂定各系一詩

萬象登高

萬象一憑闌蒼涼閱城市瓦屋簇魚鱗幾處炊煙起

三巖聽雨

泉溜作雨聲天風吹不止琴筑滿空山誰來洗俗耳

南明石梁

飲澗長虹垂凍壑老蛟臥終古鎮山門我來時一跨

白雲竹徑

山徑螺紋旋蓮城北十里僧老白雲中寺藏修竹裏

石牛古樟

臃腫十圍抱扶疏萬古春渡頭兀兀坐閱盡往來人

椒山老桂

葉子讀書堂古桂得遺趾秋來僧榻眠一月香雲裏

法海晨鐘

法海舊禪林殘僧罷講誦時間一杵鐘醒我十年夢

碧湖秋墅

流水灣灣碧秋林葉葉紅谿山無限好合著一詩翁

桐樹岡

大滌山房蠹卷一

三

石磴紆回最上層谿山歷歷記吾曾雲盤山勢雙龍下  
風捲谿聲萬馬騰臨水人家環翠竹斜陽僧院挂紅藤  
此閒便是神僊窟不羨三霄控鶴昇

夜宿慧鐙禪院

飢鼠齧牀龕火綠殘僧煨芋地鑪紅攤衾一覺涼如水  
身在千巖萬壑中

有懷趙蓮碧上舍兼簡周鐵山秀才

一夢回頭五度春記曾把手月湖濱宦遊蹤迹萍蓬寄  
我輩心知筆墨親高士南州應下榻謂陳心齋司馬郊卿東海  
漫藏身鐵山近狀今何似繞屋梅花好結鄰

雨後

雨洗平疇淨綠鋪野人籬落夕陽扶雞冠花朵蛾眉豆  
黃蜨飛來成畫圖

自石牛寺至新亭莊卽目

又到石牛寺憑闌一望中斜陽僧喚渡落木鳥呼風鏡  
水寒光澈琴山遠韻空遙知碧湖畔晚市暗戎戈

一幅荒寒景詩從畫裏尋童山多削骨老樹半空心水  
落沙痕淨雲低雪意侵忽驚梅的皜柏子綴霜林

懷陳赤霞秀才次厚菴韻

風塵南北苦支離又是山城歲暮時倚我雄心天外劍  
輸君冷眼局中碁丁年勳業頻看鏡子夜情懷儘賦詩  
珠玉隨風吹不盡相思何必定相知

蠟梅

嚼蠟真無味探梅別有春參來黃面衲卽是素心人作  
態杈枒甚含胎蓓蕾勻得名元祐好坡谷句爭新

天竹

雪花開簇簇丹實綴離離秋節霜餘抱冬心歲晚宜青  
精休誤認紅豆漫相思錯落莓苔院何曾療鳳飢

寫家書竟示玉墀弟

佛院龕燈一炷明家書寫罷淚縱橫歲寒漸覺心情減

年少能無意氣爭不負詩書惟孝友漫將科第了功名  
支持門戶良非易慎勿疏狂似阿兄

大滌山房詩錄卷二終

大滌山房詩錄卷二

三

大滌山房詩錄卷二終

蘇州青雨齋  
木

大滌山房詩錄卷三

吳縣 張吉安 迪民

登餘杭城樓

洞天兼福地名勝古餘杭靈迹空僊錄神功溯禹航高樓雄眺覽遠景晰微茫瀦水南湖闊回峰北郭長寺畱雙徑舊關峙獨松強六鎮雲連屋三茗柳蔭塘有山皆種竹無地不栽桑問俗猶敦厚祈年屢降康幾番經早潦何術報循良廟貌三賢在前徽百世望

食鱒魚和任香杜學博韻

四月鱒魚出網新吳船取次販江濱蓬池斫膾輸同輩

大滌山房詩錄卷三

莼菜調羹有幾人不惜千錢供玉箸最憐一片護銀鱗南豐恨事今銷卻分擘吟箋坐上賓

春社

幾點社公雨濛濛溼棟枝邨中大作社簫鼓喧叢祠我來適歡會各各奉一卮兒童齊拍手父老前致詞一願使君壽一祝風雨時再拜父老賜卮酒安足辭疾苦吾弗聞此酒聾可治

俞佩之秀才贈牡丹一本

荒衙未必此花宜一本相貽鄭重之近侍有情誇芍藥倩誰沒骨寫燕脂不勞十戶中人賦已占三春絕世姿

更喜餘杭僊醞熟且拚沈醉倒金卮

闡中卽事四首

聚奎堂上聚同人題字揮來筆有神文運自天開甲

子僊心此夜守庚申叔題闕防甚嚴余與是役達旦不寐那容青鳥遙傳

信佇聽黃雞早報晨一霎風檐飛萬紙要看花樣者番

新

三台想象五雲間奎壁光輝列宿環自愧十年沈下吏

也教市月近清班茶香桂氣聯吟徧挂氣試簾官題試院煎茶試舉子題

監臨阮芸臺中丞詩成同官並和俗狀塵容一例刪天上由來官府足

神僊到處卽蓬山

體除軋茁取清真心淨何來眯眼塵我已荒莊孤陸氏

早將通榜陋唐人藥材歸籠原多苦藿曰論文合受辛

兩浙才華珠玉散可能抽掇到沈淪

八米平生一瓣香大主司盧南石儀部潘江才望重吾鄉大主司潘芝軒

可覓裳曲引遊僊夢金粟花開選佛場海內聲名爭御

李內監試李無齋司馬秋來氣力笑顛張中秋後頗形委頓湖山再訂團

團話珍重頭銜十六房同人訂榜後團聚湖上并刊齒錄

陳月舸參軍邀遊徑山晚宿松源山房用坡公韻

天目舊徑徑山徑山地主逢潁川橫湖取道山左股

肩輿百折蟻磨旋燒豬餉客遲佛印齋酒入社同陶淵

碑亭小憩剔殘刻僧雛拱立山之顛雙徑陰森環翠竹  
五峰窄崿開青蓮羣山西來飛舞下一氣磅礴龍蜿蜒  
欽公當日此卓錫八十七祖來安禪三千樓閣一彈指  
土花暈碧苔鋪錢梅谷烹茶盤石坐松源晚飯跂脚眠  
絲杉瑟瑟終夜響髣髴古木鳴風鳶嗟余作繭自纏縛  
誤落塵網百慮煎羨殺山中老衲子昏昏一枕繩牀便  
侵晨撥雲與僧別名山回首心悵然賦詩聊爾紀歲月  
追和坡老熙寧年

長至後一日石遠梅丈過訪適徐雪廬孝廉蔣蔣

邨秀才竝以詩文來謁徐蔣故遠梅詩友也一尊

大滌山房詩錄卷三

話舊足暢平生次日同遊洞霄余以事未赴諸君

詩成勉爲繼聲

風雪茗谿夜泊船荒衙情話意繇繇名山大滌如招手  
同日洪崖又拍肩擣藥禽聲僊入韻藏丹箬葉我何緣  
半生未醒勞人夢漫署頭銜主洞天

友人新鐫二十四洞天主人印見贈

和遠梅見贈韻兼示雪廬蔣邨

客途肝膽向誰傾簿領塵中愧此生從宦十年仍落魄

別君五載更多情社聯北郭詩同調

遠梅新輯同音集

權倚西

谿夢亦清

翌日遊西谿秋雪庵

爲有尋僊真福分洞天深處徧題

名

南洲下榻我懷傾  
開徑欣逢得蔣生  
梅互竹交高士韻  
鐙紅酒綠故人情  
感時懷抱風雲壯  
避俗文章冰雪清  
珍重盟言歲寒侶  
漫因官職減詩名

洞霄宮用坡公韻

丹尋箬底太癡頑  
吏隱何緣到此閒  
漢代宮壇餘想象  
僊家日月自蕭閒  
山罽鎖翠琅玕繞  
洞腹穿雲蝙蝠翻  
斲取玲瓏一片碧  
道人爲我滌塵顏

王椒畦繪歲朝圖見寄圖畫牡丹一本題云自世傳唐花法歲朝已有牡丹矣因題一絕

畫師摩詰自成家  
桃杏芙蓉一例誇  
獨抱冬心冰雪裏  
看他富貴馬塍花

大滌山房詩錄卷三

四

乙丑春正三日招任香杜鄭理軒兩學博春盤小敘口占

歡聲乾鵲噪檐牙  
小聚賓朋興亦嘉  
百里星辰瞻氣象  
一春晴雨卜桑麻  
酸寒有味登盤菜  
富貴何心出窖花  
太息江鄉生計薄  
年來鳧雁水爲家

贈張仲芳上舍

浙水萍蓬幾度春  
者番話別劇酸辛  
譚詩聽雨應憐我  
食字零星亦誤人  
筆墨有緣通意氣  
錢刀何物做精神  
官場到處看碁局  
廉吏兒孫合負薪

任香杜學博崔秋谷明經訂遊洞霄雨阻招同楊  
雨蒼茂才畱飲學舍次秋谷韻

十年作吏塵塞胃天風吹墮蓬萊宮廿四洞天落吾手  
凡心洗滌僊源窮九峰環列鎖翠幃一柱突兀摩蒼穹  
洞霄古曰天柱觀歷漢唐宋祀典崇春初踏雨探未徧  
道人約我桃花紅洞門斷取一片石彫鑿造物天無功  
珍諸几席碧照眼襟袖飄灑松杉風廣文先生任公子  
崔君獨秀江之東入山竝誇譽脚健世態巖齷羞曲躬  
先生邀客特豪舉行廚列饌精且豐肩輿百步雨點白  
坐令勝事成苦空書生命窶窶宦拙到處齟齬萬事同

大滌山房詩錄卷三

五

崔君大笑浮大白酒瓶翻倒恣英雄打頭屋子促鄰坐  
奔走婢僕掀簾櫳楊生雨蒼好奇士隔牆呼出來座中  
四人泥飲燭見跋檐花落盡飄空濛山靈有約吾豈負

一菴香火酬坡翁

時議昔  
一菴

白芍藥

綠陰如水罨庭槐澹澹春畱最後杯一翦曉風姿綽約  
二分明月影裴哀離人無那紅妝洗供佛何妨素面來  
今我鬢絲禪榻畔嬾將塵夢說豐臺

食筍和山谷集中韻

餘杭竹如蓬筍事冠鮭菜春雷一夜鳴壓擔街頭賣洗

濯汲山泉烹煮飭庖宰禪味玉版參弗令真性壞澹泊  
歡有餘口腹償前債嗜好殊酸鹹契合投鍼芥太守自  
清貧下官亦耿介不免饑流涎下箸爭一噉終傷爽口  
多胃脘氣成噫千畝在胃中是詩我弗采

馮鷺庭編修來遊洞霄徑山諸勝顧訪有贈

又向江湖載酒行諸公袞袞讓先生續來小杜三生夢

時以新注樊  
川集見贈

幻出大蘇兩眼明

坡公徑山詩兩  
眼尚能看細字

促席人

逢皆舊雨

謂董書巢俞  
春岑諸君

看山天特放新晴丹臺石室題

名姓多恐神僊亦世情

蠶豆

大滌山房詩錄卷三

六

鄉邨物候正眠蠶水墨花開取次探冒雨畦丁干莢采  
和煙蔬甲一肩擔纒成雪繭垂垂老煮輒沙瓶頓頓堪  
四月官廚吾飽啖不教櫻筍占江南

題畫

依樣描來體未工枉教長柄問江東桴然而大渾無用  
送與長安賣藥翁

二月江南酒旆斜番番風信殢京華自從花縣栽花後  
怕見春風及第花

招同人讌賞牡丹秋谷有詩次韻

澹煙如幕雨如絲釀出濃姿豔入詩倚樹嫣紅桃爛漫

亞枝新翠竹參差四圍繡幄常教護百罰金罍未許辭  
卻喜承顏官閣裏彩衣試舞共紛披

鮑賦萃孝廉贈編鐘一枚賦酬

鮑生贈我編鐘一云是當年穿井得秦歟漢歟近代歟  
兩樂無銘識年月徑圍周尺尺二那體竟七寸口則哆  
面各六乳乳四面二十四乳星羅羅其文雷回蟲篆蝕  
其色爛斑土花碧手中一日三摩挲博古禮圖資辨識  
叩之錚錚瓦缶同安得牛鐸聲諧宮我生不解十二律  
默然相對成啞鐘

鮑魚和秋谷韻

大滄山房詩錄卷三

七

一尾鮑魚價十千炎天冰雪販江船細鱗漫斫吳淞鱸  
縮項休誇漢水鮑楊子渡頭曾喚賣郭公聲裏最堪憐  
故園已過櫻桃薦飽食官廚意惘然

呈梁山舟先生

石墨鐫華海外傳靈光相望獨巋然誰言耆舊無新語  
我與神僊有夙緣漱齒泉香烹穀雨繞身雲氣拂松煙  
家家團扇屏風畫爭似親承几席前

汪蘇潭選君過訪因邀劈蟹

卅輩尖團送滿筐恰逢佳客過餘杭文章早應都亭夢  
杭稻初分隴畝香快引百壺浮大白瘦憐半殼點微黃

食單不倩門生議糖蟹從教頓頓嘗

蕭山汪氏雙節詩

使君孝德冠儒林有子英英劍躍濤喜掇珊瑚歸海網  
疊榮黼黻見天心一門同志傳清節三世論交記授音  
夜績課兒絲澤遠好從病榻慰酸吟

寄周明府石蘭丈

一代雄文萬口傳濟時偉抱豈徒然願空地獄心如佛  
不上天台骨自僊選天台令未及在事卽告歸傑士功名皆有數我  
生出處亦隨緣讀書記取寒山寺依舊鐘聲到客船家

橋楓

大滌山房詩錄卷三

八

姚氏冰壺堂讌菊

羅翦涼雲綺散霞水邨秋色湛清華剛思載酒探楓葉  
忽漫移船就菊花客有兩三來不速節過重九興還賒  
壺中索取神僊釀便是餘航阿母家

庖霜斫雪泛流霞羅列行廚也太華秋袂合招名士酒  
冬心不看美人花屏開六六寒香護徑關三三歸夢賒  
自有文章非錦繡麻姑想象蔡經家

次香杜魚山看紅葉韻

是墩屬我卽任墩不是行窩不是園香杜築生曠於魚山流水一  
灣閒放權梅花十里舊成邨秋林葉脫霜痕埽冬釀杯

斟玉色溫高會未隨殊快快來宵獵酒定敲門

紅葉

萬樹霜酣二月紅不分鳥相與丹楓憐伊絢染寒風裏  
令我衰衰夕照中詞客暮年才轉豔畫家秋晚景偏工  
蟹肥菊綻吳江路曾貰卮醪放短篷

步月至學舍香杜煨家園芋下冬釀酒酣飲樂甚

倒用前韻

不嫌惡客夜敲門破睡挑燈酒叫溫最有味時香撲襲  
未全貧處芋收園我吟詩句空千首君占雲谿又一卮  
取次探梅消息近萬花開徧玉成墩

丙寅元夕後一日洪穉存太史過訪置酒話舊卽

席奉和

名流海內幾晨星卽席如何酒淺停萬里放歸頭半白  
一鐙相對眼雙青窮荒螭魅君能禦曼衍魚龍我慣經  
竊喜洞天爲地主宵來飛夢報山靈

題穉存遊徑山詩冊倒用坡公寄澄慧詩韻

多生孰讀楞伽字足底萬山行腳似徧遊五岳遊祁連  
徑山咫尺今始至徑山法嗣無傳鐙衆雛攫肉如飢鷹  
空畱洗研一池水黑蛟飛去雲猶蒸君詩妙得坡僊骨  
茲遊特壯名山色題詩蘇壁共題名洞霄隱吏徑山客

春燕

似曾相識處一見一回憐幅幅疏簾捲條條古巷穿剛  
來燒筍節又是落花天辛苦芹泥啄巢痕埽隔年

春柳

澹煙漠漠雨絲絲寫出江南二月時一色杏花芳信早  
雙飛燕子夕陽時天涯不斷銷魂種名下爭傳送別詩  
我是西湖隄畔客惱春先縮最高枝

何處娉婷向故居綠陰門巷翦風初六朝舊恨春無賴  
三月春愁水不如鶯囀夢回雙粲枕馬驕暖引七香車  
有人獨倚闌干立盼斷梢頭月一梳

大滌山房詩錄卷三

十

夾岸煙籠萬萬條舟行十里九停橈倚樓疎疎垂青眼  
按譜聲聲唱綠蓉才聽喚春剛睡起不關賦別也魂銷  
曉風殘月朦朧甚記取紅闌舊板橋

少日江湖載酒行中年棖觸不勝情東風幾輩青袍染  
北里誰家翠黛迎芳草落花同一夢浮萍飛絮悟三生  
柳枝樂府翻新調漫唱陽關意外聲

十方茶院

有序

明萬歷閒餘杭僧如通行腳山東乞水井旁以手掬  
水衆毆之幾碎首因歎曰一掬水而所遭如此寤因  
可知矣遂誓願於邑之東關施茶事詳吳方伯用先

碑記今額十方茶院里人嚴武順分書也

東西南北四茶亭

與北之新嶺南之新埠西之真武爲四

此處頭陀結願

深一掬泉甘遭毒手有人市上攫黃金

東關擾擾市聲譁賣酒家連賣餅家來往十方雲水客

阿誰解喫趙州茶

僧嘯谿俗姓范住揚州棲靈寺近寓西湖坡公祠

以書畫篆刻自給來餘杭求詩因賦四絕並示鐵

舟小顛兩僧

綠楊城郭夢句畱一笠飄然江上舟那得纏畧兼跨鶴

揚州不住住杭州

太滌山房詩錄卷三

十一

金石文參博古圖一枝鐵筆爛銅摹阿師蟻蝨看龍象

誰笑雕蟲不壯夫

宜雨宜晴入畫圖蘇公祠宇卽精廬要知香火前緣在

餉我先燒佛印豬

書畫生涯亦大難隨緣且喫癩殘殘鐵師擎重顛師點

不墮泥犁便宰官

三月禱雨洞霄

濃翠九峰鎖盤盤景自幽山花開躑躅林鳥叫鉤輦天

氣迎槐夏農情望麥秋龍潭禱雨罷茶話一菴畱

沈香泉竹下讀書圖

風影弄便娟竹瘦人亦瘦一卷冰雪文儵然坐清晝  
竹林恣豪飲竹谿慕陸伏何如讀我書終日須眉綠  
獨處澹塵慮此君共笑語吾亦竹中人相期入林去

吳箬邨桐江萍迹圖

不斷晝肩聲七里眞俄頃披圖追昔遊到此塵氛屏天  
淨囑彌麗巖幽懷自騁煙水隔林樾髮髯見廬井羨君  
湖海情瀧濤蕩廣永終朝蟻綠餐悠然浥清冷知泊偉  
觀亭萍開寫山影

箬邨善畫

浮萍豈無根江源自有派沿流揚其華遠託芙蓉廡

金華郡幕

泉響清耳門山光豁眼界白雲訪幽蘭清芬未云

大滌山房畫卷三

三

邁風檣走嵐翠終古色不壞凌結山水緣高懷謝天械  
潮落復潮生安此舟如芥鸞鶴方希蹤莫歎海萍絳

雁字和秋谷韻

寒雲一抹雁團風排陣驚看體勢工紫塞何人秋寫怨  
碧天無際夜書空丰神多在橫斜處點畫遙分浩蕩中  
野鶩家雞爭品目吾從戲海學飛鴻

徑山禱雨口占

密雲不雨自西郊雙徑龍宮領寂寥一路稻田龜背墀  
水車聲裏過曹橋

夜宿徑山寺中用坡公寄澄慧詩韻

坡僂舊是徑山客坡僂僂去山無色三千樓閣劫灰寒  
坡詩至竟劉山骨我今禱雨苦鬱蒸登山疾若盤秋鷹  
黃昏到寺鐘磬寂一星明滅松龕鐙山僧驚我一再至  
訊以龍井舉疑似相逢都是啞羊僧且讀蘇碑別殘字  
餘杭聽事前地多閒曠丁卯新正黃湖諸紳士爲  
移值花柳數十株莫春之初靈雨旣零惠風和暢  
密蔭穠華交映欄宇顧而樂之昔元絳爲永新令  
有詩云三年到此別無功種得桃花滿院紅有矜  
而自功之意焉余莅此逾三年矣樹藝有懷滋培  
無力感諸君雅意爲賦一詩

大滌山房詩錄卷三

三

草色離離繞縣堂忽看花事滿河陽  
桃爛漫開千簇碧柳參差列幾行  
自分道菊同苦李安希日後比甘棠  
承顏恰映斑衣舞延慶樓前爲舉觴

存古堂卽事

春陰如水惜韶華出郭清遊夕  
照斜三月閒愁銷客夢一年幾度到君家  
似曾相識呢喃燕乘興還看綽約花  
多感壺觴叨地主爲耽野趣話桑麻  
看山正擬客提壺可柰衝泥滑滑呼屋角  
似聞鳩逐婦檐前最苦燕將雛  
屐因折齒何能著花爲低頭不耐扶  
九十韶光容易過者番煙景太模糊

丁卯泉 有序

乙丑春過石雲精舍見近廚有泉出嵌竇閒涓涓不絕下瀦方池清鑑毛髮愛其足以雪煩滌慮而惜其所處之偏也丁卯夏六月住僧達初於寮前掘地得泉潰沸涌出澄澈見底飲之清冽而甘遣信來告且乞命名因名之曰丁卯泉而系以詩

一泓澄澈味甘鮮雲出無心水亦然師豈參寥傳夢裏我曾阿耨證池邊臨流合置庚辛檻記歲因呼丁卯泉不用剖符頻調取花時來傍竹鑪煎

浦江戴履齋封公九靈山館圖

大滌山履齋卷三

丙

九靈何盤盤先生鍾閒氣古貌而古心道腴出至味六經載道書真儒契其妙羅縷角與根精心抉奧窅金華道學藪支別各有派沿流討其源劃然判厥界

著有金華道學

源流昨歲官東甬曾挹芝眉秀紛羅架上書指點窗中岫別來歲在萼三見江楓赤回思萬卷樓迢遞一江隔所欣佳子弟一一清華踐眷茲章綬榮彌見讀書善吟風松鬣鬣抱雲石齒齒扶杖步秋風觸處皆可喜

次魏觀察春松同年見贈韻

魏公直節人皆見行部清聲 帝亦聞附驥竊欣同此歲化龍未得比爲雲望崇岱嶽松千尺夢冷揚州月二

分五洞九峰僊迹在早剗蘚壁待鴻文

試院簡內監試嚴少峰太守

頓頓花豬供飽啖團團稻蟹不空商拈題又賦江瑤柱  
誰笑清貧太守饒

寄懷張芑堂徵君

徵君高望吾宗仰十載相思水一涯兩度清譚揮塵柄  
數行飛札重瑤華畫中自泛煙波宅海內爭傳金石家  
老輩心知梁侍講朶雲盡付玉雅又

石菖蒲

孟水清如許蒼然几案前叢生惟傍石九節亦稱僊葉

大滌山房書卷三

五

翦千絲雨鐙銷一穗煙本經推上品服食恐無緣

甘菊花

黃菊蕭疏甚空庭綴幾枝自然高品格本不寄人籬藥  
籠經秋摘茶鐙銷夏宜笑他盆盎內紅紫鬪紛披

王吉人頭陀小影

人生苦惱緣婚宦君與頭陀竟一般認取本來真面目  
不須坐破者蒲團

一句彌陀卽道場不營精舍不開堂周妻已了惟何肉  
灌頂還澆般若湯

戊辰人日雪

密雪漫天灑餘寒臘鼓遲不嫌花信殢且喜麥苗滋瑞  
報豐年玉春生獻歲危城中千萬戶土銼溼煙炊

傲裘行

有序

余生澁邑試所得士也昨秋舉於鄉今將北上以啟  
裘贈行爲歌詩以壯之

槐花一踏攀桂芳餘杭豔說余家郎此行別我色慘沮  
蕭然無辦空書囊北路春寒硬入骨風饕雪虐何以當  
感我當年偕計吏蒙茸之裘猶在箱山妻檢點忽長歎  
曾是馬卿舊鷓鴣九度公車百補綴上有別淚痕千行  
脫手相贈意良厚余生母乃訾不祥我道余生正年少

大滌山房詩藁卷三

七

聲價不與爲低昂鶉衣襤縷聲金石牛衣偃蹇終騰驥  
寒士一寒例如此綈袍之贈眞尋常漫道公卿盡皮相  
彼都人士裘黃黃且以此裘計歲月閱時差比余生長  
十二年前共冷暖三千里外經風霜長安塵土債未了  
送爾此去願畢償我爲高歌壯行色裘傲轉使增輝光  
佇看釋褐登天府行且衣錦歸故鄉裘乎裘乎善保千  
金軀他年富貴毋相忘

五十述懷

五十無聞一概然風塵歷鹿且隨緣故人天上鷓鸞集  
傲吏山中檇櫟全敢以詩文添業障轉嫌昏宦誤神僊

六年飽喫餘杭飯好事還來釀酒錢

諸士庶置酒爲壽

四十九年非漸覺大三千界夢誰醒感懷吾祖生孫句

先大父集中有得孫詩泣誦僧伽報母經

安五齡先慈見背

北路風霜曾

耐苦東山絲竹不堪聽娛親合舉鄉耆會萊彩欣同舞

縣庭

過枯樹灣有懷何春渚徵君

老戀鷗盟謝鶴徵耳空羣籟比聾丞我停枯樹灣頭櫂

前輩風騷此一鐙

過我荒衙洗瑣畱九峰五洞訂重遊忽騎隻鶴朝天去

閒殺南湖一段秋

大滌山房詩錄卷三

七

友人惠冬筍集杜

遠傳冬筍味良友昔相於把酒宜深酌常餐占野蔬泥  
多仍徑曲歲晚莫情疏必種數竿竹眷言終荷鋤

同霽山旗山小飲

難得風塵面目眞吾家兄弟話情親一鐙相對渾如夢  
萬里重經豈有因無佛稱尊凡幾輩憐才欲殺又何人  
紛紛恩怨尋常事試看枯梅雪後春

示阿莖姪

閱歷才應鍊孤危氣自伸管城難託命蔥肆且藏身歲  
月道旁柳親知水上萍早傷門祚薄努力守清貧

白桃花和宋仁圃同年韻

桃開三月豔春工，忽許梨雲漠漠同。悟到尋僊求佛旨，  
埽將名士美人風。漫勞崔護來門外，不賺劉郎入洞中。  
賦就梅花心鐵石，笑他紅雨亂飄空。

蔣蔣邨秀才招同顧星橋吏部陳古華太守來遊  
洞霄過訪有贈

南面攤書攤百城，名山招手夢魂清。虎頭老矣猶癡絕，  
鶴骨僊乎太瘦生。古華自署鶴喜有蔣卿開竹徑，可無張翰  
話莼羹。荒衙草草盤餐具，文字因緣金石盟。

翌日同人赴洞霄顧蘭塘茂才蔣偉林理問同遊

大滌山房詩錄卷三

得詩十首

六

又替名山作主人，南湖迤邐碧波勻。兒童拍手攔街唱，  
一隊僊官禮玉晨。

暖翠浮嵐潑眼明，一峰一鎖最多情。山靈也解詩人到，  
梳掠煙鬟的的迎。

凡閒瓊館羣真集，天下名山一柱尊。恰喜道人貪種竹，  
碧雲深鎖不知門。

斷碣莫尋錢武肅，荒壇漫說漢元封。洞天福地高題在，  
宸翰流傳重理宗。

大滌名山到幾回，人多好事剔莓苔。纔從洞口題名姓，

感召風雲亦異哉

僊鼠如雅雪翅開濛濛一息妙胚胎須知此老真前輩  
曾見坡公笠屐來

蘇公妙迹渺難求翠墨重翻在上頭今夜遊僊成好夢

一菴閒地且相畱

蘇句

杯盤羅列到雲房暫爾安神坐竹牀風露高寒眠不著  
碧空如奏克丁當

淋漓莫笑中書秃百疊無嫌太守饑

桂堂有詩饑百疊

最是蔣

家好兄弟醉中如或立之監

我愛東吳顧文學新詩字字鬪清圓神僊老去積唐甚

大滌山房詩錄卷三

九

鶴背吹笙讓少年

次古華見贈元韻

我占神僊窟君畱明聖湖何緣聽擣藥相約喚提壺志  
訂洞霄鄧詩新玉局蘇閒於天際鶴來伴水中鳧

洞霄石一品奉贈古華賸之以詩倒次坡公洞霄

宮詩韻

漫乞丹砂駐玉顏天生骨相類虔翻恣探大滌妙無盡  
斲取片雲心自閒甲乙蘇龕署齋名米舫內弟兄荔子栢

君閒移將洞府歸窗几石性通靈我放頰

簡黃雨堂明府

第一才名江夏黃排開筆陳自堂堂飛鳧也領羣僊隊  
狡獪如何少日狂

手劈雲箋慰寂寥盈盈只隔一長橋天教管領名山水  
君占西湖我洞霄

回首蓮城證夙因對牀風雨話情親而今重翦西窗燭  
忍忘桃花嶺外人

謂沈博堂參軍

### 重修法喜寺詩以落成

古寺積唐甚先爲結數椽敢云邀福利聊以志因緣慨  
想讀書處長吟懷舊篇伽藍香火奉端合祠坡僊

嘉興丁小鶴茂才詒經精舍高才生也以詩見投

### 大滌山房詩錄卷三

三

### 次韻奉酬

谿繞梅花夢亦靈騷壇爭指曝書亭君才自足吞餘子  
吾目猶能識一丁十載羸官聊溷俗幾時精舍共譚經  
彩箋飛下瑤臺鶴大滌名山分外青

### 錢澹谿先生遺像次先大父韻

同時心賞成牙曠千古交情數尹班今日披圖餘韻在  
穆然流水與高山

手澤猶新重念祖心期如夢小遊僊通家三世畱煙墨  
文字緣深一瓣傳

石琢堂廉訪有約不至用坡公洞霄宮詩韻卻寄

鼠亦僂飛我自頑天壇咫尺墮人閒卽看院長諸公在  
想見祠官一例閒世事浮雲蒼狗變谿流終古翠蛟翻  
丹池潄水清如許何不同來照舊顏

臨安道中

羣峰飛舞下想象霸圖雄弔古伊余獨看山有客同殘  
紅開躑躅層碧透玲瓏何處郎公墓蒼茫夕照中

時奉  
檢查

勘宋侍郎  
郎簡之墓

寄王椒畦

文虎人龍彼一時茫茫百感意何之合呼張籍爲詩友  
漫擬王維是畫師行藥偶兼花步隱誅茅誰寄草堂貲

大滌山房詩錄卷三

三

秋風一擢吾歸矣仗甚霜螯手共持

無田也自賦歸田鄉味饑流口角涎震澤白魚初透網  
唯亭黃雀又披繇娛親喜有兼珍奉款客何妨共醉眠  
一事挑鐙最淒絕不畱陳二

草  
園話尊前

立秋日同愚谿小飲口占

十載同教險阻嘗枯蒼浦水又餘杭右軍誓墓才終屈

君貢入成均  
卽絕意進取

節序感炎涼浮名何似尊前酒合爲先生進一觴

觀弈

勝非求勝應常勝奇外無奇更出奇吾眼本來迷黑白

賺人不著是高基

旋里有日詩寄玉暉弟

後輩才名推第五我家有叔亦非癡  
乘除數定三爻易勝負心平半局碁  
連夜燈花應報喜當年莼菜劇相思  
乙卯之官浙中曉堂從叔以秋風起今思莼鱸  
小印贈行今六月舜職詩秋仲抵家適符前語  
一門羣從團圞話珍重聯牀聽雨時

大滌山房詩錄卷三

三

大滌山房詩錄卷三

蘇州青霞齋  
大滌山房詩錄卷三

大滌山房詩錄卷四

吳縣 張吉安 迪民

陳子雅表弟菊觴招集卽席感賦

離離風影菊開筵百感回頭三十年春夢無痕遊宦迹  
秋鐙有味讀書緣卽今楊柳芳池畔依舊蒼筤精舍前  
但願種兒如種竹他時詩話一齊編但願種兒如種竹  
吳蠡濤方伯譙集  
蒼筤精舍句也時雋卿表弟方週歲今科已成進士  
矣今璋之表姪五齡入塾頭角崢嶸因以此祝之

移居十絕

自昔萍蓬少定居何曾廈屋羨渠渠昌黎詩句關心讀  
卅載辛勤始有廬

大滌山房詩錄卷四

一

老屋昔依高士廡

余家世居皋橋

新橋今傍麗娃鄉花洲杉瀆

芙蓉港環住吾家一草堂

堂名潔養使瞻依多感山翁椽筆揮山舟先生題額雙桂冬榮

千葉蔭天留清福滿庭闈

孫曾繞砌喜開顏爭攤籃輿便往還庭下徧栽五色莧

渲成萊彩舞爛斑

井竈安排未易才屋傍餘地樹須栽花奴也解山人意

不種官梅種野梅

種了梅花種牡丹種花託興也無端年來小歷榮枯境

富貴寒酸一例看

菊舍橫斜曲徑紆過牆綠樹影扶疏一池流水東家引  
張陸從來竝宅居

依舊心情破紙堆編排甲乙埽塵埃公然插架三千卷  
爭叱貧兒暴富來

卻喜蘇杭路不賒信來得意堪嘉爲言一擢盤門路  
塔影船頭卽我家

家園情話一番新畱得還鄉面目真客漫攜尊招近局  
我方祭竈請比鄰

乾隆己亥謝怡堂丈招余課讀下榻來燕堂已三  
十六年矣今歸田三載研食是謀仍邀課文孫輩

俯仰今昔感賦二律

無端又著不羈身未了平生粥飯因還我青氎消白晝  
看他烏帽抗黃塵桃花前度丁年去燕子重來甲第新  
聽讀書聲無限好庭梅已報十分春

破紙堆中氣自馴邨夫子樣妙無倫童心不免揉升木  
壯志何當馬絕塵諧俗最難顏面假論詩亦苦性情真  
樓頭話雨連宵夢淒斷當年問字人

謂蓉槎  
表弟

盆梅

珍重園丁爲護持絳跗綠萼綻參差香浮研水畱清韻  
影上屏風寫折枝綺石繡苔塵自遠蘆簾紙閣夢相隨

銅坑十里春如海漫鬪芳妍入小詩

枕上

未免枯魚泣何堪腐鼠爭鄉風趨薄相

吾鄉遊戲相呼  
爲白相乃薄相

之誤吾意澹浮名舊話鐙前續新詩枕上成連宵愁聽雨  
幾處杏花明

紙鸞

賺得兒童笑語喧裁筠翦紙趁晴暄高牽綫影游絲重  
斜曳弦聲別調翻逐隊鬪雞芳草岸幾家放鴿綠楊邨  
光陰把玩髻年好也擬鸞翔與鳳騫

駘蕩天門一綫通高飛不待羽毛豐氣乘春半扶搖上

大滌山房詩錄卷四

三

影曳秋千蕩漾中得路誰能分向背此風何處別雌雄  
書生未有鶩肩相只道凌雲賦未工

訪家惹雲於九思堂因同步至城南宗祠時牡丹

盛開款畱竟日感賦

族望吾鄉重九思城南今又拜新祠爲承堂構經營始  
已覺軒窗位置宜嘉樹蔭來宗祖澤好花看到子孫時  
墓田丙舍橫塘下宦薄猶慙力不支

韓旭亭丈築生曠於福壽山陽名之曰小盤谷繪

圖屬題

喜聽民歌春有腳福徵 帝曰壽無涯高風空戀王官

谷梅抱冬心萬樹花

擊壤圖來暢詠歌一編壽世性天和小林屋與小盤谷

都是先生安樂窩

洞涇草堂圖

有序

草堂在洞涇橋下婁水王光祿西莊先生著書處也

哲嗣實菴亦通許氏說文之學去光祿之歿數年旋

歸道山文孫耐軒倩朱君臬亭繪圖屬題

猶記摳衣拜草堂歸然海內魯靈光元經早許童烏續

漢話終傷子駿亾良友繪圖神黯黯文孫執研淚浪浪

楹書蛾術遺編在要見清門世澤長

光祿著有蛾術編十六卷待梓

大滌山房詩卷四

四

題張船山太守虎邱詩藁

一麾出守戲逢場雙槩飛來七里塘燕市酒徒多落拓

虎邱月色也蒼涼千詩至竟蟠君腹百怪何當入我腸

劇喜勝人畱勝地把杯先合酌真孃

宿船山寓齋夜半爲蟲所苦呼酒劇譚

心空太白牛力挽九青兕何來虎邱山終夜飽蟲子

次船山貧字韻

文章太守例清貧誰鑄紅鑪卅萬銀足穀多牛生計好

此中儘有可憐人

窮更工詩我賀貧不貪太守雪花銀

三年貧太守十萬雪花銀吳諺也

要知西抹東塗者灑墨猶能活萬人

集五柳園次黃蕘圃主政韻

重來經史巷門第舊時看春夢驚年少冬心閱歲寒園  
因五柳號地本一枝安

書齋舊額

小事糊塗好吾終服呂端

自訂千秋業宜貪一晌歡罪言傳杜牧本議重桓寬漫  
以閒情賦因之官興闌淋漓時命酒也抵大官餐

石琢堂廉訪邀同吳枚菴明經吳藕塘明府黃蕘  
圃主政顧蘭垞茂才小集五柳園舫齋得寒字

支硎踏雪興方闌小飲圍鑪耐歲寒舊雨快譚來意外  
枚菴楚遊三十年昨始旋里新年喜色上眉端五言卽事成詩話

蕘圃

大滌山房詩錄卷四

五

寒字韻五言極佳

一品當筵冠食單

是日用一品菜

廣廈萬間胃突兀

舫齋促坐海天寬

數弓拓地一憑闌語古齋前結古歡

地爲何義門先生語古齋舊隄

少

日風情垂柳繫舊時月色齋額故人看傳杯陡覺連番暖  
和韻仍拈十四寒探取梅花開的藥草堂也擬簇春盤

乙亥新正三日同藕塘小飲五柳園疊前韻

爲探梅花信名園取次看同來欣舊雨一笑破春寒茶  
耐譚心久詩拈韻腳安紛紛門外事盲說太無端

主人方困酒治具又言歡鹿尾鹽花蘸蚶房米汁寬杯  
深嫌量淺燭跋到更闌五臟神相語新正第一餐

董琢卿常博春盤招集

一聲乾鵲噪檐牙潑眼晴光拓畫紗團坐人如來北郭

在坐窺園我欲問東家擬遊畢青絲細簇登盤菜紅豔

初開出窖花好笑萊州饒太守戰酣毋陣腳橫斜船山

席

題澄谷上人吾與菴圖

記曾伏虎證餘杭閣倚松顛話夕陽今我還山公還院

不持大扇也清涼伏虎禪師餘杭王氏子一名大扇僊人爲理安開山祖子官餘杭適澄公

主理安曾以伏虎故事相證

我來得得煮茶香兀坐披雲一草堂他日流傳詩畫裏

大滌山房詩錄卷四

六

己公茅屋贊公房

次琢堂吾與菴韻

城居擾擾戀山居邱壑終當置幼輿尋蕙草香沿野岸

與梅花約叩精廬偶拈佳句先呈佛不昧前因或導子

輪卻阿師心湛寂一蒲團地證如如

又次船山韻

閒吟還倚一枝藤無際光明無盡證漫說禪宗參五味

卽論詩品證三乘打鐘埽地緣應了擔水搬柴力未能

我欲飯僧僧飯我年來已作在家僧

范葦舫少尉西泠春泛圖

聲名籍甚范長頭手版才拋便劇遊吟就新詩畫成軸  
宦情一半此句畱

湖邊煙景四時收畢竟濃春勝晚秋薄宦易彈知已淚

莫登吳越看經樓

卽望湖樓長白清階平中丞  
重建葦舫曾受知中丞故云

酒痕襟上認杭州一度春遊當夢遊家有賜湖風月冷

秋來讓我泛扁舟

### 同陳子雅表弟過繡谷園

繡谷名園詩話傳饒春幾度此開筵落紅無主空三月

慘綠何人最少年亭榭凝塵猶竹石畫圖過眼亦雲煙

登堂我下邱山淚爭不羊曇涕泗漣

蔣立崖司馬去世  
風流頓盡園已屬

### 大滌山房詩畧卷四

七

他姓王石谷楊子  
鶴二圖亦已失去

### 贈澄公

清涼亭畔雨花泉一勻分嘗也宿緣

庚午夏遊理安與  
公坐清涼亭汲法

雨泉烹茗覺海無邊

四字琢  
堂題額

公還院名山有約我歸田棲心

劫外三千界彈指人間七十年祈福布金爭浴佛何如

初地證詩禪

時浴佛  
後一日

### 王西岡荷淨納涼圖

不須丈八去追涼萬柄搖來風露香悟徹蓮花清淨意

主人原是輞川王

一任炎官攤赤輪風簾冰簟淨無塵世閒不少清涼界

門外何多襍穢人

長日

長日惟枯坐心閒趣自幽  
檐花紅醋醋庭草綠油油  
渴望三詩雨涼生五月秋  
十雙田未買亦抱老農愁

橫塘埽墓止宿徐二西塘不浪舟次日同至鳳巢  
菴訪會一上人

爲埽橫山墓因停不浪舟  
松楸何寂歷池館漫句畱  
舊事成鴻爪新交得虎頭  
倚闌情詠詠垂柳不勝秋

山勢翼然下天畱佳處菴  
肩輿松引路畫壁石爲龕  
小築巢痕埽深譚法乳參  
獅乳泉烹茗極清甘伽藍香火奉絲繡老

大滌山房詩錄卷四

八

瞿曇

菴爲吳曇繡方伯新葺

贈丁朴存

茫茫身世感依舊一編開  
小子童牛牯先生丁鶴來  
旅懷秋後柳詩思臘前梅  
吾與阿咸語騷壇亦霸才

朴存得古印一枚篆曰苦吟人屬爲賦詩

號苦吟人玉琢成懸來肘後  
傲公卿詩家那有麒麟閣  
仄仄平平過一生

黃仲則爲山谷裔吳司成  
穀號醉鄉侯直疑心印從天

降一例頭銜署勝流

黎楷屏囑府良泉十二景圖

有序

羅浮以浮爲勝浮以酥醪爲勝遊羅者多遊浮者少  
矣遊酥醪者尤少嘉慶癸酉順德楷屏黎君自江右  
歸得勝景十二於酥醪前後更其名曰良泉築室其  
上有終焉之志繪圖紀事令弟木菴孝廉持冊索詩  
因次卷中張南山韻

羅浮兩山浮更奇遊浮者少相以皮酥醪之勝繚而曲  
巖壑深秀其誰窺琴軒創志惟敬續博羅韓志亦復遺  
蓬萊左股僂窟宅此中無乃蟠蛟螭名山顯晦各有候  
天慳神祕發露遲翩然五色雀前導鄱陽僊令黎侯歸  
黎侯瀟灑脫世網松柏體性鸞鶴姿山走太行得盤谷

大滌山屋詩錄卷四

九

天通小有穿仇池兼山取象名以良似劈雷斧揮神錐  
泉十三疊景十二天然位置非人爲燒丹靜守鑪中火  
爛柯不看山中碁彩鸞況是神僊眷啞虎高跨東西馳  
人生微尙各有在中年投檄我與而我今城市恣徜徉  
神清洞口夢寐之榻來木菴示此冊神遊目注空嗟咨  
桃花流水在人世僊源未必陶公私葛翁鮑姑或我知  
粵東之遊當有時善病張融行采藥山頭一訪子雲黎  
題寒碧莊爲劉蓉峰觀察別業

君家家住太湖東萬頃波光一覽中七十二峰看不足  
又來城市幻玲瓏

花步名園近闌闌勝流市隱亦蕭閒疊巖架壑排庭戶  
報道主人方出山

有懷李念齋表弟

淮北驚傳草木兵眼看袞袞盡公卿書生殺賊心猶烈  
忍負寒窗一短檠

至戚相依一飯緣絕勝賓館受人憐南枝採取春消息

正在風饕雪虐天

時依其姊婿王晉齋大令客長興

孝章身世感孤單兩代循聲治譜看好與外家成宅相

一經百日未爲難

隻雞尊酒話茅堂與我周旋遠俗腸他日應思皇甫謐

大滌山房詩錄卷四

十

不輕梁柳重城陽

王愚谿明經招集望湖樓話雨

不見回峰寺風光又七年心空勤念佛法喜總隨緣密  
點霏霏灑香哦細細編主賓俱起舞向晚更開筵

甲戌正月廿五日重遊洞霄諸君子放櫂遠迎開

筵暢敘卽席口占

侵曉衝泥雪滿衣船窗握手便依依到門看饌羅瑤席  
列坐衣冠簇錦圍當日交情原是水而今賓至竟如歸  
十觴累舉情無盡尙道天寒酒力微

翌日邵南亭孝廉李式堂明府蔣偉林理問暨鄭

鴻軒蔡研恬高季荀陳桐邨沈秋濤諸同學公讌  
安樂寺

寺藏修竹路盤盤依舊山容雪後看一塔凌雲標突兀  
九人環坐話團圓客譚往事渾如夢佛話前因作是觀  
酒殘數巡情萬疊滿隄燈火照更闌

廿九日褚凌九明經招同李式堂蔣偉林俞書臺  
董味孩暨諸同學重遊洞霄宮

一別丹臺漫五年九峰依舊鎖雲煙再來差免山靈笑  
治具多煩地主賢天在洞中春盎盎谿流雪後水涓涓  
道人問我來何事爲道羣真有宿緣

大滌山房詩錄卷四

十一

題李海帆明府釣鼈圖

竿拂珊瑚樹滄溟水一杯魚方食餌至鼈亦駕山來浩  
氣當肯瀉狂瀾隻手回我今望洋歎俯首謫僊才

舟次平望有懷孫西羣

一灣楊柳一漁竿繭子花開春色闌誰識少年孫穎叔  
綠陰如水住柔盤

舟次簡澄公

春水如雲撥櫓枝蓬窗轉側有情癡數聲鶯語分明說  
一見桃花更不疑結伴尋僧聊踐約無言對佛卻拈詩  
趙州茶與雲門餅眞率家風是本師

吳曇繡光祿席次口占集社

白頭吟望苦低垂，問道長安似弈碁。  
可念此翁懷直道，也知光祿最能詩。  
數回細寫愁仍破，百罰深杯亦不辭。  
賸欲提攜如意舞，雄豪復遣五陵知。

和松江太守宋仁圃同年自壽韻

千葉榴花九節菖，橫雲山色照霞觴。  
仁依宇下幷幪廣，日麗天中歲月長。  
昔曾臨絳縣生申，今合頌黃堂。  
更欣彩服趨庭處，政事文章各擅場。

數載舟山險，備嘗宰官身。現管陀光爭，迎鳧島東西。  
浙永靖鯨波，內外洋三竺。六橋春自滿，秀州宜郡澤還長。

大滌山房詩錄卷四

三

姓名特達邀 天眷 帝曰欽哉昇海壘

載石裝輕一櫂便，九峰三泖畫圖前。  
清晨判牘心如水，莫夜投金手指天。  
寄興酒尊邀客醉，忘機碁局讓人先。  
閒吟燕寢凝香句，有腳陽春徧海壖。  
歡騰比戶袴襦謳，治行江南第一流。  
少日乙科慙附尾，中年寅好話從頭。  
頻番雨潤迎槐夏，萬頃雲連報麥秋。  
稱彼兕觥齊獻壽，躋堂我廂部民儔。

題汪龍莊明府遺像

童穉知名四十年，過江山色自蕭然。  
恰從畫裏傳神筆，重補生前識面緣。  
雙節啓家先世澤，連科得第後昆賢。

還將盛德書銀管循吏儒林合傳編

題許敬齋協鎮頭陀小影

一枝筇竹萬山雲不斷人閒酒與葷自耐清涼披百衲  
也曾譚笑卻千軍壺觴小敘今猶昔香火前因我共君  
漫說嶺南無佛性早從六祖證聲聞

題吳兼山紅雪山房詩草

劒芒出匣耿秋光匹馬橫行百戰場幕府山高登記室  
河渠志續議宣房燈前慷慨羅昭諫海內孤單盛孝章  
紅雪一編多涕淚商聲彈出羽林郎

題潘春泉秀才詩藁

大滌山房詩藁卷四

三

我愛潘公子琅琅詩韻清青雲齊躡足丹穴早蜚聲夏  
課千篇富春愁五字生卷中孤館入春愁句爲時傳誦西州門外過華

屋感羊甥

秀才爲謝怡堂先生外孫時先生新逝

白桃花次宋香樵主事韻

玉洞尋春果有無元都千樹亦模糊溶溶潭水痕先淨  
漠漠梨雲夢不孤才子詩篇香粉膩美人歌扇月華俱  
莫教亂落如紅雨手散天花證曼殊

黃浦泛舟次宋仁圃太守韻

煙開滬濱望迢迢風正帆懸穩放橈春滿茅檐資長養  
秋迎麥隴卜豐饒詩情沖澹雲霄鶴物理盈虛江上潮

公是濟川才力展漫同園吏賦逍遙

椒畦江山漁樂圖為印印川題

萬水千山筆一枝王郎曾次本雄奇煙波寫到魚蠻子  
已是觀河皺面時

摩詰詩中原有畫張融岸上亦牽船喚成漁弟漁兄好  
印九看來然不然

贈徐大澹安

多感神翁術最神門前種杏總含春上池有水誰當飲  
下溟無田我耐貧濟物長懷三世業著書忍負百年身  
瘡痕觸目吳門道乞取刀圭活萬人

大滌山房詩錄卷四

十四

無題

閒與山妻譚故事偶來田父話新聞鐘聲一杵南禪寺  
作陣歸雅噪夕曛

紅樓翠館漫相邀枯坐山齋興亦饒花當美人茶當酒  
書生此福也難銷

小築

敢向清時託隱淪破書堆裏樂天真三閒小築池南屋  
六月聊安研北身過眼雲煙都是幻忘機魚鳥亦相親  
知交莫訝積唐甚新署頭銜號散人

古渡

古渡連新渡長亭復短亭子懷殊渺渺何處不青青夜  
雨千波活春風百草靈畫槩與繡轂含意若爲停

陸園卽事

盤谿小築幻巖阿樓閣華嚴妙相多滿鴨煙霞供地主  
扶闌花藥養天和彎環洞走魚千里雜沓人喧蠡一窠  
無價清風與明月滄浪亭畔有誰過

舫畱春色還消夏閣抱冬心亦絢秋補景四時煩畫手  
拈題十詠付歌喉且邀朋輩觀魚鳥不爲兒孫作馬牛  
張陸同居佳話在時時呼酒過牆頭

簡巖少峰太守

大滌山房詩錄卷四

十五

覆蕉藏鹿事模糊直得先生一笑無何苦夢回猶說夢  
未妨吾自見眞吾鶯花故里剛三月鰕菜扁舟又五湖  
尙有詩書清淨業白公池上築精廬

中外迴翔二十年塵勞磨透且安便雲霄接翅諸郎奮  
風雨關心弱弟憐令弟吉樓倚仲宣猶作客王椒畦孝廉下榻劉  
蓉峰觀賦成平子早歸田西窗翦燭連宵話忍忘城南  
察園中

尺五天

寄簡陸筵田明府集杜

放浪陶彭澤同時陸浚儀吾衰不足惜道屈爾何爲才  
傑俱登用飛騰急濟時南圖迴羽翮九萬起於斯時方左遷

和范芝巖舅氏重遊泮宮述懷元韻

文昌星彩耀魁三碩望巋然重斗南福慧雙修無量壽

瞋癡永斷又何貪齷齪養志虔馨膳

先生就養今似湘雲表弟松江學署

鳩杖隨身慶盍簪誓墓漫同王逸少年時樂事話分甘

觀國之光利用賓迴翔館閣廿年春龍門身價增名士

鸞掖文章幾替人雲到還山彌綯彩松因閉戶久成鱗

石湖舊拜先臣賜賀監無須更乞身

天平瞻謁屢停舫身伴閒雲鶴在皋規畫義莊收合族

料量仁粟徧分曹牀同聽雨連宵對鐙爲傳經五夜挑

面是瞿雲心是佛未除結習鬪詩豪

大滌山屋詩錄卷四

六

薄海煙銷斥堠烽春臺同樂世義農 聖朝燕喜蒲輪

召臣職鴻文玉檢封六瑄葭吹迎日至八琅璈奏慶時

雍重遊泮水畱佳話桂苑瓊林次第逢

黃星艤甘苦圖

有序

圖作以一車載妻子身自拽之蓋以牛馬自況也

官不學古不如服賈士不知書不如牽車君不見冠蓋

場中馬絡頭局促轅下無時休君自茹甘兼茹苦任人

呼馬還呼牛

吳江孫花山嘉慶壬戌相識於麗水官齋恩愍十

五年矣今秋以詩來謁口占一律卽題卷端

逃虛谷者喜蛩然一霎搏沙十四年孫楚才高登記室  
張衡愁甚賦歸田栝蒼山裏畱吟篋楓冷江邊放畫船  
好事欣逢朱刺史山北酒鎗茶具結清緣

陸八瑤圃將作楚遊拈此止之集杜

欲陳經世策不敢恨危途冬熱鴛鴦病天寒鷓鴣呼接  
輿猶入楚張翰已歸吳多難身何補空悲清夜徂

澹雲上人雲自在圖集杜

行雲遞崇高紛披爲誰秀孤雲亦羣遊會合苦不久久  
客惜人情大師京國舊秉性識根源且復戀良友空房  
得寓居盡室豈相偶墨客靄雲屯龍虎一吟吼遇我夙  
心親性亦嗜醇耐我生本飄飄常如中風走況乃久風  
塵居然縮印紱告歸苦局促自覺成老醜回看不住心  
寸心亦何有已公茅檐下辛苦救衰朽苦恨耳多聾那  
能總鉗口孤雲無自心扁舟落我手時過憶松筠青青  
歲寒後雲在意俱遲平生一杯酒

朱南臺邑侯邀同陸筵田明府譙集寓鶴齋有作

絳跼綠萼盡滋培時盈梅盛開喜報陽春有腳來官閣恰當

閒鶴寓賓筵兼爲散人開止譚風月原無價能耐冰霜

大有才醉墨爲子揮數幅籜龍驚起一聲雷筵田寫墨竹見贈

同宋仁圃郡伯宿白隄

昨移黃歇浦前權今泊白公隄畔舟爲話當時賢太守  
杭州領郡又蘇州

曉登虎阜

終歲黃金虛牝擲清晨寶殿大雄開靜觀齋裏雲千頃  
如許襟期破曉來

射瀆小飲

船繫綠楊盤馬地酒斟芳草鬪雞缸但教薄領塵消去  
照眼玲瓏拓八窗

食鮪魚

最好行廚供野蔬三杯輒飽黑甜餘今朝食指頻頻動

大滌山房詩錄卷四

六

入饌鮪魚出網初

梁溪

人家沙蕒夕陽鋪繞郭青山綠滿湖拚卻百錢茶具買  
供春壺是曼生壺

京口

戍樓鼓角悲涼甚幕府江山睥睨橫生長清時真幸事  
口惟飲酒不譚兵

蕪江

誓心此水記坡僊來往孤篷二十年說與江神應一笑  
無田我已賦歸田

進麒麟門

鍾山形勝鬱崔巍  
六代繁華劫運開  
我自看山非弔古  
麒麟門外跨驢來

宿承恩寺贈鷹巢上人

捨宅昔傳司禮監  
傳衣今賸苦吟僧  
故人入土詩畱壁  
卽事滄桑感不勝

壁黏雅存  
太史詩

禪板蒲團一掃空  
拈來枯管有神通  
雲煙過眼詩無外  
酒肉穿腸佛在中

仁圃太守招同唐牧山茂才遊棲霞次劉文房韻

秀絕層巒抱嶢然  
二客從衰裏無量  
殿指點最高峰  
石

大滌山房詩蠹卷四

元

澗泉源細花龕洞  
腹容千僧原一佛  
六代賸孤松漫采  
延年藥同聽向晚  
鐘無心雲出岫勝  
地儻重逢

蘆蔔脯

大頭菜與瓢兒菜  
風味曾教過客誇  
最是承恩蘆蔔脯  
勝於鴨脯餉京華

報恩寺

孝陵山色故青青  
窳堵波高勢建瓴  
欲向金僊問興廢  
忽聞天半語風鈴

烏衣巷

燕翦飛飛趁落花  
依然門巷夕陽斜  
烏衣子弟多輕薄

轉戀尋常百姓家

秦淮曉泛

宛轉紅橋枕碧流  
曉煙初泮盪輕舟  
悤悤丁字簾前過  
也算秦淮一度遊  
一碧清波倚櫂來  
幾絲楊柳共悲哀  
輕煙澹粉春如夢  
禁得江潮送幾回

青谿

明月誰家按坎篴  
青谿寂寞小姑愁  
金戈鐵馬歸何處  
曠有荒祠拜蔣侯

隨園

大滌山房詩錄卷四

三

六朝煙月三生豔  
萬古江湖一集傳  
暢好園林曾入夢  
印來屐齒定何年

攝山

特開禪窟明僧紹  
六代精藍積翠濃  
學佛但參平等法  
登山不上最高峰

夜過惠山不得一謁秦小峴少寇奉簡

泊岸初逢載水船  
星星燈火聚人煙  
九龍山下空延佇  
第一流人第二泉

黃蕘圃主政招同潘榕皋丈吳玉松太守石琢堂  
廉訪王鐵夫國博菊觴小集玉松有詩次韻

須眉入畫列僊翁珍重寒香綴露叢我以陂汪欽叔度  
人如花澹品司空灑懷酣暢壺壺觴好道氣益和杖履中  
末座趨陪年最少敢希陶令說高風

松顛閣圖

有序

閣在理安寺寒石上人主講時畱客茶話所也公圓  
寂後黃羹圃慨想舊遊屬王叔畦繪圖屬題次王鐵  
夫韻

椒老同探山水窟鐵夫空踏白公隄

鐵夫詩中以未到理安爲憾

王書畫禪心印便抵焚修住九谿

功德無忘水一盂當年伏虎飭香廚者番公案誰提起

大滌山房詩錄卷四

三

只道檀施願力孤

羹翁飲我菊花觴歸路尋詩半墜仄方外交情雲自在

一回展卷一清涼

又題松顛閣圖

有序

嘉慶庚午夏同王椒畦訪寒石於理安時余以居憂  
輟詠相對默然嗣公還歸吾與屬賦一詩以紀蹤迹  
心許之而未及屬稟今披覽是圖感懷疇昔因拈四  
偈他日理安寺中當又添一重公案

一盲引一盲的的下火阮驀見清涼亭洗卻一重障  
伏虎道場地疇昔夢見之今師示微笑笑我來何遲

飲我雨花泉飯我松顛閣終日澹無言濤聲天半落  
九谿十八礪煙景翳然莫一步一回頭是我來時路

題汪生蘇潭風定蘇潭看月生遺照

屈指平生友何爲失此人魂招今夜月潭瀉古時春俯  
仰空陳迹虛明證宿因風流應不沫展卷重傷神

題錢六小癡西域從戎圖

吳越王孫早著鞭探源星宿陋張騫踏來活佛經行地  
吟到中華以外天草檄君曾磨盾鼻披圖我亦認鸞肩  
白頭兄弟連牀話時與令兄亦癡同客松江郡齋萬里功名重慨然

李子僊秋窗課子圖

大滌山房詩錄卷四

三

淵明避俗翁乃賦責子詩杜陵偶遣興於陶豈有訾昌  
黎示符郎利祿以餌之厥後掇高第稱其家兒子僊  
本僊李秀挺蓬萊姿一子珠在掌僊果生來遲弱卽好  
紙筆氣已雄文詞行年出就傳名父爲經師東鄰鬪冠  
蓋西舍紛刀錐君家一畝宮巷口青楊垂門徑淨瀟灑  
花竹羅參差書聲一屋滿步履斜陽隨雛鳳無凡毛杜  
老不我欺詞林有根柢弗令識者嗤他年須記取鐙火  
青熒時

仁圃郡伯席次奉和元韻

茸城風景繫人思涼露娟娟柳未衰黃浦潮生漁戶樂

碧雲天遠雁書遲才過重午編蒲節又到中秋說餅時  
出處同教珍晚節魏公老圃卽陶籬

贈姜小枚再疊前韻

疊韻詩拙乙乙思騷壇旗鼓再而衰張顛只合同僧醉  
枚捷終當勝馬遲幕府聲華才子氣文章光燄少年時  
雲閒志續傳家學史筆還窺班范籬

贈龔素山三疊前韻

漫拋紅豆惹相思尋也風騷興不衰鐘聽三生成佛早  
緣畱一笑證僊遲酒痕狼籍題襟處墨彩飛騰點筆時  
小隱塘棲曾有約蒔花接果竹編籬

大滌山房詩錄卷四

贈曹蓉初四疊前韻

三茅洞府隱君思神木蓬山足養衰鶴唳雲閒成墅逸  
燕巢幕下偶棲遲世情苦熱投閒處書味酸寒入妙時  
故徑就荒松菊在好將眞意問東籬

贈陳西齋丈五疊前韻

絳帳趨陪我所思卽聆緒論亦扶衰驚心宦海知幾早  
種德書田食報遲味到桂薑同辣性花開桃李徧芳時  
高懷寫到陶彭澤忍負重陽菊一籬

同仁圃郡伯水窗小飲六疊前韻

水窗小集醒神思譚興方酣酒力衰遊宦曾經三峽險

讀書莫患十年遲直從破浪乘風日想到中流砥柱時  
學道自空門戶見任眞并不插疎籬

十月十四日家雲巢司馬邀同石琢堂廉訪王椒  
畦孝廉朱少僊學博黃蕘圃主政夜集聽潮吟館  
餐菊以夕餐秋菊之落英爲韻分得英字

吾家第五詩有名詩人招集鹽官城重陽已過颯風雨  
叢叢黃菊排前楹南鄰朱老官獨冷堆盤首荷詩腸橙  
邀來入坐開笑口連日治具酒瓊擊卻嫌頓頓饜梁肉  
僊乎僊乎餐菊英主人好客咄嗟辦磨刀霍霍銀鱗橫  
聶而切之蟹胥配椒薑雜糅蔥溲并續紛五色花亂墮

大滄山房詩錄卷四

五

不數南海壘金橙調和竟出一人手衆賓環坐雙目瞠  
粲然下箸供大嚼滿耳食葉春蠶聲一襟冰雪腥臄洗  
九秋風露肺腑清是時華燈正璀璨統如官鼓傳初更  
晚香老人早作達五柳自號今泉明蓬池斫脍不復憶  
對此滿頰饑涎生蕘翁詩派出黃九食筍有味韻屢賡  
疇昔賞菊補圖畫此會彌慝騷人情王郎粵東客兩載  
紅蕉丹荔椰漿傾得未曾有詫奇絕醒酒足抵虞悰鯖  
我今歸田茹藜菟苦吟五夜飢腸鳴食單獲此誇吳下  
壓倒江東鱸膾菰米純絲羹

聽潮吟館次雲巢元韻

連夜高燒燭似椽照來須鬢感華年譚天漫衍雕龍擅  
勝地清閒司馬偏夢到青山剛讀畫香畱黃菊屢開筵  
熬波我愧張融賦臆聽潮聲撼枕邊

題朱少僊學博繞竹山房詩藁

少僊僊骨慧而癡萬種愁心一卷詩越女生來天下白  
亂頭麤服也相宜

慷慨襟期越輩流雲閒日下盡情遊數奇淚爲將軍下

無用常何薦馬周

謂陳樹齋軍門

滋味好官思爛熟蕭閒薄宦自風流打頭屋子如船小  
容得先生萬斛愁

大滄山房詩錄卷四

五

繡佛齋

船山書室

中曾識面水僊閣下快聯吟廿年塵夢那

堪說來聽成連海上琴

題少僊獨坐圖次船山韻

來去皆茫昧趺跌現在身好將物外我密證畫中人獵  
酒家家醉看碁局局新要知方寸地湛寂本無塵

再用前韻贈少僊

小游僊館記前因二十年來賸此身卿亦流連中一物  
我成名利外三人和詩爭似元詩妙舊雨還聯今雨新  
消受清閒無量福官能獨冷傲風塵

題周梅坪夢黎雲僊館圖用坡公松風亭梅花詩

韻

梅花繞屋梅成邨梅花香沁詩人魂花魂詩魂香一片  
朦朧月魄窺黃昏美人爲我歌一曲梨雲漠漠誰家園  
畫閣宛轉洞房啓紅珠斗帳香篝溫天雞一聲忽叫醒  
瞳矓攤出扶桑暎幽香襲人猶在枕清晨有客來敲門  
相視而笑心莫逆夢中之景難具言作圖寫景詩紀夢  
梅花開後開芳尊

程雪門買春賞雨圖

春山如笑喚提壺著屐花邨酒可沽解道宜晴更宜雨  
人生端合住西湖

大滌山房詩錄卷四

三

聽潮吟館共銜杯何必同岑感異苔只隔水程三百里  
一年一度訪君來

馬笙谷舍人邀集古芸齋信宿用聽潮吟館韻賦  
謝

吾家司馬筆如椽說項津津已有年擊鉢催詩鐙影共  
移船就菊酒懷偏古芸馥郁開吟篋今雨流連敞綺筵  
王宰爲畱真迹去小桐谿館畫鷗邊

椒畦爲作小桐谿館圖

題笙谷碧蘿僊館圖次雲巢韻

一卷新詩萬古情長卿五字竟長城更披畫本重重讀  
不覺秋心縷縷生君有才名黃鵠舉我無官守白鷗輕

草堂也擬牽蘿補儻過胥江埽榻迎

馬兩如招集春星帶草堂次少儻韻

移文不到草堂靈爲我開筵眼特青昨日有人翹首望  
張星光接酒旗星

朱竹垞先生煙雨歸耕圖爲嘉興李金瀾明經題  
劉井枯亭夢易闌天教朱十老吟壇吾鄉雅有韓宗伯  
羨殺歸田七品官

宜雨宜煙占一湖荷鋤人住小長蘆多情最是通家子  
前輩風流認畫圖

題玉井道人畫蘭

太滌山房詩錄卷四

三

浣筆何當洗豔情敲風灑露可憐生多情一朶紅心淚  
灑向秋墳卞玉京

皴雲石爲馬容海賦

一飯千金報淮陰志豈伸重尋嶺表石慨想雪中人轉  
徙皆乘運興衰亦愴神吾來肅袍笏憐爾久薶塵

和荔園學博見贈韻

十年不見張夫子八秩神明鬢未霜話舊我顏應發赤  
到今公眼尙垂青逢場作戲隨竿木卽席成詩有性靈  
容易騷壇常奉袂來春暖儻揚舲

朱紫瀾舍人招集盟蘭山館卽次荔園韻

海昌市月和詩忙又訪修川舊草堂  
半路酒肴陶靖節  
一船書畫米元章  
門因臨水煙波繞  
館爲盟蘭筆研香  
賓主東南圖雅集

椒畦爲畫修川雅集圖

我慙四姓說朱張

海昌市月足暢平生旋里後  
夢想縈之續得十絕

以寄雲巢司馬

要探安瀾要看潮命儔  
嘯侶泛輕橈我來先作通宵語  
風雨彭城慰寂寥

騷壇特啓聽潮館  
美膳如分護世城  
話舊聯吟兼讀書  
此遊奇雅冠平生

餐英本是騷人事  
出自官廚更齒芬  
識字我還誇阿買

太滌山房靈卷四

三

詩成亦足張吾軍

重到隅園涕欲垂  
池荷枯梗柳殘絲  
故人忍問楊無敵

并失孫郎帳下兒

丁卯於役海昌孫桐峰刺史邀同楊振齋司馬讌集園中令侍兒行炙極

可人意今二君已先後歸道山

三度揚塵事不經  
潮來東海定通靈  
到家惹得山妻問

是否麻姑鬢尙青

載酒移廚到馬橋  
肯無塵事且逍遙  
推篷正好昂頭看

又爲漁梁一折箸

小桐谿館畫王蒙  
排日開筵興亦濃  
石丈綠何解纜去  
不來同看皺雲峰

酒人逐隊到鹽官

前歲贈朱北山句

漫與詩成調語看誰道吾

曹詩是識古芸開讌又盟蘭

古心古貌張夫子

荔園

相近相親朱少僊畢竟儒官有情

思兩家大集一齊鐫

此會真堪入畫圖詩箋傳寫徧三吳風流爭說張司馬

何日遷官到我蘇

大滌山房詩錄卷四

完

大滌山房詩錄卷四

蘇州青霞齋  
不學圃董琴

